

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE**

Broj: 01-_____/25

**ZAPISNIK
S TREĆE SJEDNICE
GRADSKOG VIJEĆA ZENICA
održane 17. JANUARA 2025. godine**

JANUAR, 2025. godine

**ZAPISNIK S TREĆE SJEDNICE GRADSKOG VIJEĆA ZENICA,
ODRŽANE 17. 1. 2025. GODINE**

Sjednica je počela s radom u 10.09 sati.

Sjednicom je predsjedavala Snježana Vrhovac, predsjedavajuća Gradskog vijeća Zenica. Sjednici je prisustvovalo 28 vijećnika čime su se stekli uslovi za punovažno odlučivanje.

Predsjedavajuća Vijeća je pročitala Prijedlog Dnevnog reda za treću sjednicu Vijeća kako slijedi:

1. **Zapisnik s druge sjednice Gradskog vijeća Zenica, održane 16. 12. 2024. godine**
2. **Nacrt Programa rada Gradskog vijeća Zenica za period 1.1.-31.12.2025. godine**
IZVJESTILAC: Almira Baručija Kapidžić, sekretar Gradskog vijeća Zenica
3. **Prijedlog Odluke o privremenom finansiranju Grada Zenica za period 1.1.-31.3.2025. godine**
IZVJESTILAC: Adis Baručija, pomoćnik Službe za finansije po ovlaštenju
4. a) **Nacrt Budžeta Grada Zenica za 2025. godinu**
b) **Nacrt Odluke o izvršavanju Budžeta Grada Zenica za 2025. godinu**
IZVJESTILAC: Adis Baručija, pomoćnik Službe za finansije po ovlaštenju
5. **Prijedlog Odluke o izmjenama Odluke o organizaciji službi Grada Zenica**
IZVJESTILAC: Fuad Kasumović, Gradonačelnik Grada Zenica
6. **Prijedlog Vladi Federacije**
IZVJESTILAC: Selver Keleštura, sekretar Gradske uprave
7. **Prijedlog Rješenja o imenovanju stručnih komisija za utvrđivanje prometne vrijednosti nekretnina na području Grada Zenica**
IZVJESTILAC: Fuad Kasumović, Gradonačelnik Grada Zenica
8. **Imenovanje Ocjenjivačkog suda**
IZVJESTILAC: Amra Mehmedić, predsjednica Komisije za izbor i imenovanja
9. a) **Prijedlog Odluke o stavljanju van snage Odluke o prihvatu ponude i sklapanju Ugovora o osnivanju prava građenja za izgradnju objekta i uspostavu funkcije javne podzemne garaže sa pripadajućim sadržajima na lokalitetu Trg BiH**
b) **Prijedlog Odluke o ponovnom raspisivanju javnog konkursa za osnivanje prava građenja za izgradnju objekta i uspostavu funkcije javne podzemne garaže sa pripadajućim sadržajima na lokalitetu Trg BiH**
IZVJESTILAC: Mirsad Heleg, savjetnik Gradonačelnika
10. **Vijećnička pitanja i inicijative**

U poslovničkom roku vijećnicima su dostavljene dvije dopune Prijedloga Dnevnog reda: 1. Prijedlog Zaključka o davanju saglasnosti Službi za imovinsko-pravne poslove i katastar nekretnina za pripremu Odluke o prodaji gradskog građevinskog zemljišta u vlasništvu Grada Zenica i 2. Inicijativa vijećnika Nermina Mehića za usvajanje Zaključka o upućivanju upozorenja kompanijama ArcelorMittal d.o.o. Zenica i Toplana d.o.o. Zenica.

Predsjedavajuća Vijeća je upoznala vijećnike da je prva dopuna Prijedloga Dnevnog reda povučena od strane predlagača, pa predložila da se inicijativa vijećnika Nermina Mehića razmatra kao peta tačka dnevnog reda današnje sjednice.

Vijećnik Namir Škaljo predložio je dopunu Prijedloga Dnevnog reda za današnju sjednicu tačkom Preispitivanje poštivanja člana 138. Poslovnika Gradskog vijeća i drugih propisa koji osiguravaju javnost rada i medijske slobode. Vijeće se o navedenom prijedlogu izjasnilo s 12 glasova „ZA“, 13 glasova „PROTIV“ i 3 glasa „UZDRŽAN“. Na prijedlog vijećnika Malika Ejubovića u Prijedlog Dnevnog reda pod rednim brojem 11. s 27 glasova „ZA“, bez glasova „PROTIV“ i „UZDRŽAN“ uvrštena je tačka Zaključak Vlade Zeničko-dobojskog kantona broj: 02-11-1121/25 od 17. 1. 2025. godine.

Prijedlog Kluba vijećnika SDP za skidanje tačke 6. s dnevnog reda sjednice nije prihvaćen.

Vijećnica Emina Babić dala je primjedbu da tačka Vijećnička pitanja i inicijative zbog svoje važnosti ubuduće bude na početku dnevnog reda i na svakoj sjednici Gradskog vijeća. Predsjedavajuća Vijeća kazala je da će se ova primjedba uzeti u obzir kod predlaganja dnevnog reda za sjednicu Vijeća.

Na zahtjev Kluba vijećnika SDP predsjedavajuća Vijeća je u 10.24 sati dala pauzu u trajanju od deset minuta, pa je sjednica nastavila s radom u 10.38 sati.

Nakon pauze Vijeće se izjasnilo glasanjem o konačnom Prijedlogu Dnevnog reda za treću sjednicu Gradskog vijeća i s 27 glasova „ZA“, bez glasova „PROTIV“ i „UZDRŽAN“ usvojilo sljedeći

DNEVNI RED:

1. **Zapisnik s druge sjednice Gradskog vijeća Zenica, održane 16. 12. 2024. godine**
2. **Nacrt Programa rada Gradskog vijeća Zenica za period 1.1.-31.12.2025. godine**
IZVJESTILAC: Almira Baručija Kapidžić, sekretar Gradskog vijeća Zenica
3. **Prijedlog Odluke o privremenom finansiranju Grada Zenica za period 1.1.-31.3.2025. godine**
IZVJESTILAC: Adis Baručija, pomoćnik Službe za finansije po ovlaštenju
4. a) **Nacrt Budžeta Grada Zenica za 2025. godinu**
b) **Nacrt Odluke o izvršavanju Budžeta Grada Zenica za 2025. godinu**
IZVJESTILAC: Adis Baručija, pomoćnik Službe za finansije po ovlaštenju
5. **Inicijativa za usvajanje Zaključka o upućivanju upozorenja kompanijama ArcelorMittal d.o.o. Zenica i Toplana d.o.o. Zenica**
IZVJESTILAC: Nermin Mehić, vijećnik
6. **Prijedlog Odluke o izmjenama Odluke o organizaciji službi Grada Zenica**
IZVJESTILAC: Fuad Kasumović, Gradonačelnik Grada Zenica
7. **Prijedlog Vladi Federacije**
IZVJESTILAC: Selver Keleštura, sekretar Gradske uprave
8. **Prijedlog Rješenja o imenovanju stručnih komisija za utvrđivanje prometne vrijednosti nekretnina na području Grada Zenica**
IZVJESTILAC: Fuad Kasumović, Gradonačelnik Grada Zenica
9. **Imenovanje Ocjenjivačkog suda**
IZVJESTILAC: Amra Mehmedić, predsjednica Komisije za izbor i imenovanja
10. a) **Prijedlog Odluke o stavljanju van snage Odluke o prihvatu ponude i sklapanju Ugovora o osnivanju prava građenja za izgradnju objekta i uspostavu funkcije javne podzemne garaže sa pripadajućim sadržajima na lokalitetu Trg BiH**
b) **Prijedlog Odluke o ponovnom raspisivanju javnog konkursa za osnivanje prava građenja za izgradnju objekta i uspostavu funkcije javne podzemne garaže sa pripadajućim sadržajima na lokalitetu Trg BiH**

11. Zaključak Vlade Zeničko-dobojskog kantona broj: 02-11-1121/25 od 17. 1. 2025. godine
IZVJESTILAC: Fuad Kasumović, Gradonačelnik Grada Zenica

12. Vijećnička pitanja i inicijative

Izvještaji komisija Gradskog vijeća dostavljeni su pred sjednicu.

Tačka 1. Zapisnik s druge sjednice Gradskog vijeća Zenica održane 16. 12. 2024. godine

Zapisnik s druge sjednice Gradskog vijeća Zenica održane 16. 12. 2024. godine usvojen je jednoglasno bez primjedbi s 27 glasova „ZA“, bez glasova „PROTIV“ i „UZDRŽAN“.

Tačka 2. Nacrt Programa rada Gradskog vijeća Zenica za period 1.1.-31.12.2025. godine

Nije bilo potrebe za uvodnim napomenama. U raspravi o ovoj tački dnevnog reda učestvovali su vijećnici Namir Škaljo i Nermin Mehić. Vijećnik Namir Škaljo predložio je da se u Program rada Vijeća uvrsti informacija o fazi realizacije Mape puta digitalne transformacije Grada Zenica, dok je vijećnik Nermin Mehić predložio resornoj službi da planove ulaganja u vodoprivredu i oblast cestovne infrastrukture dostavi Vijeću na razmatranje i usvajanje odmah po usvajanju Budžeta za ovu godinu.

Almira Baručija Kapidžić, sekretar Gradskog vijeća predložila je rok za javnu raspravu o Nacrtu Programa rada Vijeća u trajanju od 10 dana što je prihvaćeno.

Po zaključenju rasprave Vijeće se izjasnilo glasanjem o Nacrtu Programa rada Gradskog vijeća Zenica za period 1.1.-31.12.2025. godine i s 26 glasova „ZA“, bez glasova „PROTIV“ i „UZDRŽAN“ donijelo

Z A K L J U Č A K

o utvrđivanju Nacrta Programa rada Gradskog vijeća Zenica
za period 1.1.-31.12.2025. godine i upućivanju na javnu raspravu

I

Utvrđuje se Nacrt Programa rada Gradskog vijeća Zenica za period 1.1.- 31.12.2025. godine i upućuje na javnu raspravu u trajanju od 10 dana od dana održavanja sjednice Gradskog vijeća.

II

Nacrt Programa rada Gradskog vijeća Zenica za period 1.1.-31.12.2025. godine upućuje se na javnu raspravu učesnicima javne rasprave – gradskim službama, političkim subjektima koji imaju vijećnike u Gradskom vijeću Zenica, nezavisnom vijećniku, samostalnom vijećniku, javnim preduzećima i javnim ustanovama, mjesnim zajednicama, Zeničkoj razvojnoj agenciji “ZEDA” d.o.o. Zenica, Udruženju poslodavaca Zenica i Udruženju privrednika Grada Zenica, građanima i svim drugim zainteresiranim subjektima.

III

Pisane primjedbe, prijedlozi i sugestije dostavljaju se Stručnoj službi Gradskog vijeća najkasnije do 27. 1. 2025. godine, u pisanoj formi na Protokol Grada Zenica ili putem e-maila na adresu: gradsko.vijece@zenica.ba.

IV

Zadužuje se obrađivač – Stručna služba Gradskog vijeća da, kod izrade Prijedloga Programa rada Gradskog vijeća Zenica za period 1.1.-31.12.2025. godine, uzme u obzir sve blagovremene i uredne primjedbe, prijedloge i sugestije dostavljene u toku javne rasprave, kao i prijedloge i sugestije iznesene na sjednici Gradskog vijeća Zenica.

V

Ovaj zaključak stupa na snagu danom donošenja i bit će objavljen na web stranici Grada Zenica uz tekst Nacrta Programa rada Gradskog vijeća Zenica za period 1.1.- 31.12.2025. godine.

Tačka 3. Prijedlog Odluke o privremenom finansiranju Grada Zenica za period 1.1.-31.3.2025. godine

Nije bilo potrebe za uvodnim napomenama.

Za diskusiju o ovoj tački dnevnog reda javio se vijećnik Namir Škaljo.

Prijedlog Odluke o privremenom finansiranju Grada Zenica za period 1.1.-31.3.2025. godine usvojen je jednoglasno s 26 glasova „ZA“, bez glasova „PROTIV“ i „UZDRŽAN“.

Tačka 4. a) Nacrt Budžeta Grada Zenica za 2025. godinu

b) Nacrt Odluke o izvršavanju Budžeta Grada Zenica za 2025. godinu

Nije bilo potrebe za uvodnim napomenama.

U raspravi su učestvovali vijećnici: Malik Ejubović, Halil Arnaut, Faris Hazić, Namir Škaljo, Emina Babić, Nermin Mehić, Almir Dračo, Sead Bolić, Denan Pašalić i Halil Garanović. U raspravi je učestvovala i Mirsada Strika, direktorica JU Apoteka „Zdravlje“ Zenica. Fuad Kasumović, Gradonačelnik Grada Zenica učestvovao je u raspravi dajući pojašnjenja.

Služba za finansije je predložila rok od 10 dana za javnu raspravu što je prihvaćeno.

Po zaključenju rasprave Vijeće se izjasnilo glasanjem o Nacrtu Budžeta Grada Zenica za 2025. godinu i Nacrtu Odluke o izvršavanju Budžeta Grada Zenica za 2025. godinu i s 27 glasova „ZA“, bez glasova „PROTIV“ i „UZDRŽAN“ donijelo

Z A K L J U Č A K

o utvrđivanju i upućivanju na javnu raspravu Nacrta Budžeta Grada Zenica za 2025. godinu i Nacrta Odluke o izvršavanju Budžeta Grada Zenica za 2025. godinu

I

Utvrđuju se Nacrt Budžeta Grada Zenica za 2025. godinu i Nacrt Odluke o izvršavanju Budžeta Grada Zenica za 2025. godinu i upućuju na javnu raspravu u trajanju od 10 dana od dana održavanja sjednice Gradskog vijeća.

II

Nacrt Budžeta Grada Zenica za 2025. godinu i Nacrt Odluke o izvršavanju Budžeta Grada Zenica za 2025. godinu, objavljuju se na web stranici Grada Zenica (www.zenica.ba).

III

Nacrt Budžeta Grada Zenica za 2025. godinu i Nacrt Odluke o izvršavanju Budžeta Grada Zenica za 2025. godinu upućuju se na javnu raspravu učesnicima javne rasprave - gradskim službama, političkim subjektima, javnim preduzećima, javnim ustanovama, mjesnim zajednicama, udruženju privrednika - poslodavaca i dr.

Sugerije se da učesnici u javnoj raspravi vode računa o aktuelnoj ekonomskoj situaciji, te ukoliko predlože povećanje sredstava u određenim segmentima Nacrta Budžeta, da preciziraju na kojim pozicijama će se izvršiti smanjenje, odnosno da predlože objektivne izvore iz kojih bi se finansiralo predloženo povećanje.

IV

Primjedbe i prijedlozi u pisanoj formi na Nacrt Budžeta Grada Zenica za 2025. godinu i Nacrt Odluke o izvršavanju Budžeta Grada Zenica za 2025. godinu mogu se dostaviti na protokol Grada Zenica zaključno sa 27. 1. 2025. godine.

V

Zadužuje se obrađivač - Služba za finansije da, kod izrade Prijedloga Budžeta Grada Zenica za 2025. godinu i Prijedloga Odluke o izvršavanju Budžeta Grada Zenica za 2025. godinu, uzme u obzir sve blagovremene i uredne primjedbe, prijedloge i sugestije dostavljene u toku javne rasprave, kao i prijedloge i sugestije iznesene na sjednici Gradskog vijeća Zenica.

VI

Ovaj zaključak stupa na snagu danom donošenja, a bit će dostupan svim učesnicima javne rasprave uz Nacrt Budžeta Grada Zenica za 2025. godinu i Nacrt Odluke o izvršavanju Budžeta Grada Zenica za 2025. godinu, objavljivanjem na web stranici Grada Zenica.

Predsjedavajuća Vijeća je u 11.41 sati dala pauzu i najavila nastavak sjednice u 13.00 sati. Sjednica je nastavila s radom u 13.18 sati.

Tačka 5. Inicijativa za usvajanje Zaključka o upućivanju upozorenja kompanijama ArcelorMittal d.o.o. Zenica i Toplana d.o.o. Zenica

Uvodne napomene za ovu tačku dnevnog reda dao je vijećnik Nermin Mehić, u svojstvu predlagача iste. U raspravi su učestvovali vijećnici: Emina Babić, Malik Ejubović i Namir Škaljo. Fuad Kasumović, Gradonačelnik Grada Zenica i Selver Keleštura, sekretar Gradske uprave učestvovali su u raspravi dajući pojašnjenja.

Po zaključenju rasprave vijećnici su se izjasnili glasanjem o Inicijativi za usvajanje Zaključka o upućivanju upozorenja kompanijama ArcelorMittal d.o.o. Zenica i Toplana d.o.o. Zenica i istu usvojili s 23 glasa „ZA“, bez glasova „PROTIV“ i „UZDRŽAN“.

Tačka 6. Prijedlog Odluke o izmjenama Odluke o organizaciji službi Grada Zenica

Uvodne napomene za ovu tačku dnevnog reda dao je Fuad Kasumović, Gradonačelnik Grada Zenica.

U raspravi niko nije učestvovao.

Vijeće je jednoglasno s 25 glasova „ZA“, bez glasova „PROTIV“ i „UZDRŽAN“ usvojilo Prijedlog Odluke o izmjenama Odluke o organizaciji službi Grada Zenica.

Tačka 7. Prijedlog Vladi Federacije BiH

Uvodne napomene za ovu tačku dnevnog reda dao je Selver Keleštura, sekretar Gradske uprave.

U raspravi o ovoj tački dnevnog reda učestvovali su vijećnici: Amra Mehmedić, Amel Šišić i Emina Babić. U raspravi je učestvovao Fuad Kasumović, Gradonačelnik Grada Zenica, dajući pojašnjenja.

Po zaključenju rasprave vijećnici su s 23 glasa „ZA“, bez glasova „PROTIV“ i 1 glasom „UZDRŽAN“ usvojili prijedlog zaključka vijećnice Amre Mehmedić kako glasi:

I

S ciljem upućivanja zahtjeva Vladi Federacije BiH za donošenje Odluke da se prodajni objekti na teritoriji Grada Zenica izuzimaju od odredbi člana 18. st. (1), (2) i (3) Zakona o unutrašnjoj trgovini, zadužuje se Gradska uprava, odnosno resorna služba da pribavi potrebne podatke u skladu sa Uredbom o kriterijima za primjenu odredbi čl. 18. st. (10) i (11) Zakona o unutrašnjoj trgovini, a naročito stavove Udruženja poslodavaca Grada Zenica, Privredne komore Zeničko-dobojskog kantona, Obrtničke komore Zeničko-dobojskog kantona i Sindikata radnika trgovine i uslužnih djelatnosti BiH.

II

Resorna služba je dužna pribaviti podatke iz tačke I u roku od 15 dana od dana stupanja na snagu ovog zaključka.

III

Ovaj zaključak stupa na snagu danom donošenja.

Na zahtjev Kluba vijećnika SDA predsjedavajuća Vijeća je u 14.26 sati dala pauzu u trajanju od 10 minuta, pa je sjednica nastavila s radom u 14.43 sati.

Tačka 8. Prijedlog Rješenja o imenovanju stručnih komisija za utvrđivanje prometne vrijednosti nekretnina

Nije bilo potrebe za uvodnim napomenama.

U raspravi niko nije učestvovao.

Vijećnici su se izjasnili glasanjem o Prijedlogu Rješenja o imenovanju stručnih komisija za utvrđivanje prometne vrijednosti nekretnina i isti usvojili s 24 glasa „ZA“, bez glasova „PROTIV“ i „UZDRŽAN“.

Tačka 9. Imenovanje Ocjenjivačkog suda

Amra Mehmedić, predsjednica Komisije za izbor i imenovanja pročitala je prijedlog kandidata za članove Ocjenjivačkog suda za dodjelu javnih priznanja Zenice kako slijedi:

1. Mirza Husetić
2. Zulkaid Skomorac
3. Ivan Petrović
4. Edin Šarić
5. Vernes Menzilović
6. don Davor Topić
7. Senad Alispahić
8. Amra Smriko
9. Emir Pašalić
10. Fahrudin Heco
11. Amar Škrijelj

U raspravi niko nije učestvovao.

Vijećnici su se izjasnili glasanjem o prijedlogu kandidata za Ocjenjivački sud za dodjelu javnih priznanja Zenice i isti usvojili s 24 glasa „ZA“, bez glasova „PROTIV“ i „UZDRŽAN“.

Tačka 10. a) Prijedlog Odluke o stavljanju van snage Odluke o prihvatu ponude i sklapanju Ugovora o osnivanju prava građenja za izgradnju objekta i uspostavu funkcije javne podzemne garaže sa pripadajućim sadržajima na lokalitetu Trg BiH

b) Prijedlog Odluke o ponovnom raspisivanju javnog konkursa za osnivanje prava građenja za izgradnju objekta i uspostavu funkcije javne podzemne garaže sa pripadajućim sadržajima na lokalitetu Trg BiH

Uvodne napomene dao je Fuad Kasumović, Gradonačelnik Grada Zenica.

Za raspravu o ovoj tački dnevnog reda javio se vijećnik Namir Škaljo.

Vijećnici su se izjasnili glasanjem o prijedlozima odluka i s 25 glasova „ZA“, bez glasova „PROTIV“ i „UZDRŽAN“ usvojili Prijedlog Odluke o stavljanju van snage Odluke o prihvatu ponude i sklapanju Ugovora o osnivanju prava građenja za izgradnju objekta i uspostavu funkcije javne podzemne garaže sa pripadajućim sadržajima na lokalitetu Trg BiH i Prijedlog Odluke o ponovnom raspisivanju javnog konkursa za osnivanje prava građenja za izgradnju objekta i uspostavu funkcije javne podzemne garaže sa pripadajućim sadržajima na lokalitetu Trg BiH.

Tačka 11. Zaključak Vlade Zeničko-dobojskog kantona broj: 02-11-1121/25 od 17. 1. 2025. godine

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Malik Ejubović, Emina Babić i Nermin Mehić. U raspravi je učestvovao Fuad Kasumović, Gradonačelnik Grada Zenica.

Po zaključenju rasprave Vijeće je s 25 glasova „ZA“, bez glasova „PROTIV“ i „UZDRŽAN“ donijelo

ZAKLJUČAK

I

Prima se k znanju Zaključak donesen na 64. sjednici Vlade Zeničko-dobojskog kantona održanoj 17. 1. 2025. godine broj: 02-11-1121/25 od 17. 1. 2025. godine.

II

Zadužuje se Gradonačelnik da imenuje komisiju koja će se sastojati od predstavnika Gradske uprave i predstavnika dva najbrojnija politička subjekta u Gradskom vijeću Grada Zenica.

III

Predlaže se Vladi Zeničko-dobojskog kantona da imenuje komisiju koja će u saradnji s predstavnicima komisije imenovane od strane Gradonačelnika Grada Zenica iz člana II ovog Zaključka raditi na iznalaženju rješenja u cilju regulisanja imovinsko-pravnih odnosa između Grada Zenica i JU Kantonalne bolnice Zenica.

IV

Komisije imenovane u skladu sa članom II i članom III ovog Zaključka će usaglašeno rješenje dostaviti Gradskom vijeću Grada Zenica.

V

Ovaj zaključak stupa na snagu danom donošenja.

Tačka 12. Vijećnička pitanja i inicijative

Vijećničke inicijative podnijeli su i vijećnička pitanja postavili vijećnici: Emina Babić, Denan Pašalić, Halil Garanović, Halil Arnaut, Amel Šišić, Namir Škaljo, Amra Mehmedić, Nermin Mehić, Mirzet Skopljak, Almir Dračo, Almir Hrnjić, Elmir Duvnjak, Samra Arnaut, Fadil Arnaut i Faris Hazić.

Vijećnica Emina Babić postavila je vijećničko pitanje koje se odnosilo na izgradnju javnog toaleta za potrebe građana i posjetilaca grada Zenica. Vijećnik Denan Pašalić podnio je inicijativu za asfaltiranje puta Osredak – Radinovići, te inicijativu za izgradnju, odnosno regulaciju korita Babine i Sebujske rijeke. Vijećnik Halil Garanović podnio je inicijativu da se u Budžetu Grada Zenica iznađu sredstva za troškove odbrane generala Armije R BiH i inicijativu da se pripadnici boračke populacije slabog imovnog stanja oslobode obaveze plaćanja gradskih administrativnih taksi. Vijećnik Halil Arnaut postavio je vijećničko pitanje u vezi sa učestalim nestancima električne energije na području grada Zenica, upućeno Elektrodistribuciji Zenica, te podnio vijećničku inicijativu za nabavku pratećeg vozila (cisterne za vodu) za potrebe Civilne zaštite i Profesionalne vatrogasne jedinice Zenica. Vijećnik Amel Šišić podnio je vijećničku inicijativu za izgradnju mosta preko rijeke Kočeve u naselju Jagodići kako bi se ratnom vojnom invalidu Halidu Smriki obezbijedio siguran i nesmetan prilaz njegovoj kući, te inicijativu za izgradnju dječijeg igrališta u Travničkoj ulici kod Osnovne škole „Miroslav Krleža“. Vijećnik Namir Škaljo je podnio inicijativu za novi ulaz u prostorije MZ „Blatuša“, po mogućnosti sa strane zgrade prema sportskom igralištu u Blatuši i odvojen vodomjer za potrošnju vode u prostorijama ove mjesne zajednice, te postavio vijećnička pitanja u vezi s rješavanjem problema sagorijevanja podzemnih naslaga uglja na lokalitetu Crkvičkog brda iznad objekta „Zeka komerc“ i ažuriranjem podataka o sazivu Gradskog vijeća na web stranici Grada Zenica. Vijećnica Amra Mehmedić podnijela je inicijativu za izgradnju pristupne rampe za osobe sa invaliditetom i unutrašnje uređenje prostora Centra za mlade. Vijećnik Nermin Mehić podnio je inicijativu za obilježavanje parking mjesta uz naplatu za stanare zgrada u naselju Sunčana dolina (Ulica Crkvice od broja 52 do 56) i naselju Blatuša u Ulici Zije Dizdarevića. Vijećnik Mirzet Skopljak je podnio inicijativu za rekonstrukciju puta kroz

Zagaje u MZ "Lokvine" i inicijativu za izgradnju novog bazena za pitku vodu u naselju Poratje, MZ "Pojske". Vijećnik Almir Dračo je podnio inicijativu za izgradnju sportskog igrališta (za mali fudbal, košarku i sl.) na postojećem poligonu u Ulici Bistua Nuova 5, kod slastičarnice Kristal i inicijativu za rekonstrukciju kompletne Ulice Marjanovića put, MZ "Staro Radakovo".

Vijećnik Almir Hrnjić je podnio inicijativu za rješavanje infrastrukturnih problema naselja Hamida. Vijećnik Elmir Duvnjak je podnio vijećničku inicijativu svim javnim preduzećima i javnim ustanovama Grada Zenica za vraćanje dokumentacije, koja se dostavlja prilikom prijave na konkurs, kandidatima koji nisu izabrani na radno mjesto za koje je provedena procedura prijema u radni odnos. Vijećnica Samra Arnaut postavila je vijećnička pitanja resornoj gradskoj službi u vezi sa održavanjem puteva i javnim prijevozom na području MZ „Briznik“ tokom zimskih mjeseci. Vijećnik Fadil Arnaut je podnio inicijativu za ograđivanje i sanaciju postojećih dječijih igrališta, te izgradnju istih u mjesnim zajednicama u kojima nedostaju. Vijećnik Faris Hazić podnio je inicijativu za grubu rekonstrukciju saobraćajnice u Poslovnoj zoni "Šljivik" i postavio vijećnička pitanja u vezi sa zimskim održavanjem lokalnih i nekategorisanih puteva na teritoriji Grada Zenica i puštanjem u rad javne rasvjete u naseljima Kolići i Smajići, MZ "Bistričak".

Sjednica je zaključena i završila s radom u 15.22 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.

**PREDSJEDAVAJUĆA
GRADSKOG VIJEĆA
Snježana Vrhovac**